

Воскресенье
24
август 1941 ар
№ 68 (177)
2-тй арзэ потэ.
№-лэн дуныз 5 коп.

КОММУНИЗМЕ

Редакциялэн адресэз: ст. Пычас, УАССР, Коммунальной ульча,
17 номеро корка.

ВКП(б)-лэн
Пычасской
райкомезлэн но
Райсоветлэн
органы

Школаосын дышетскон ар вуиз

Нырысетй сентябрь вуэ. Азьвыл арбёсы сямен ик та нуналэ странаысьтым егит калык пуксёз партаос сьоры. Асьме странами али улэ грозной событиос вакытэ, озы ке но советской правительство калыкез юдытонлы туж бадзым саклык висья. Нокиче кужымен уд быдгы советской калыклэсь тодонлык но культура басытны туртсконзэ.

Асьме районмы, мукет район'ёс сямен ик, деятельно дасяскыз виль дышетскон арлы. Бадзым юрттэт сётйзы школаослы колхоз'ёс. Ивановоысь но Найденышысь начальной школаосы, кылсаярысь, колхоз'ёс бадзым мылпотонэн кутскыса сазъязы. Ваньмаз ик школаосын векчи ремонт колхоз'ёслэн кужыменыз ортчымын.

Асьсэос дышетёсёс школаосы дасянын туж активно ужазы. Писеевской НСШ-ысь дышетёс А. А. Ходырев, кылсаярысь, школа пушкысь ремонтэз ак кивныз быдэстйз. Озы ик ремонт бордын активно ужаз Александровской НСШ-ысь дышетёс Бесогонов эш. Со сяна, дышетёсёс бадзым уж нуизы калык пöлын. Соос пöлысь уно агитатор'ёс будйзы. Колхоз'ёслэн школаослы юрттэмзы понна дышетёсёс бадзым мылпотонэн ужазы колхоз производствон.

Районысь уно школаосын туэ капитальной ремонт орчымын. Минчегуртысь начальной школа (заведующез Демина эш) колхозлэн кужыменыз кык но жыны пол бадзыматэмын. Акаршур школа воштэмын виль помещение. Пинал'ёс туэ умой тупатэм, чылкыт школаын дышетскозы. Школаослы пу дасян озы ик умой орчымын. Школаос, куд'ёсыз өз поттэ на пузэс нюлэскысь, поттозы та нунал'ёсы.

Грозной вакытэ улэ асьме странами. Котыкуд нунал вае виль ивор'ёсты советской адымолэн боевой но трудовой подвиг'ёсы сырысь. Асьме странамылэн патриот'ёсылэн героической нюр'ясконзылэн пример'ёсыз вильдышетонно ныллыосты асьме Родинамес яратыны, вирэсь фашист'ёсты эшшо но адземпотостэм карыны.

СОВЕТСКОЙ ИНФОРМБЮРОЛЭСЬ 22 августэ жытазе ивортон

22 август чоже асьме войскоосмы тушмонлы пумит кужмо бойёс нуизы вань фронт кузя. Тырмыт басытэм лыд-

пус'ёс'я, 20 август чоже омырын жугиськон'ёсын тушмонлэн 32 самолетгэз уськытэмын (азьвыл ивортонын 21 пус'ёмын вал.

Балтийской морейн советской корабльёс атаковать карызы тушмонлэсь охрана улын мынйсь 5 транспорт'ёсез. Выйтэмын

2 транспорт'ёс но 2 охранной катерёс. Кылем'ёсыз 3 транспорт'ёс ярдур борды шуккытскизы.

Гитлеровской Германия но Советской Союз кустын кык толэзь ожмаськемлэн итог'ёсыз

Гитлеровской Германия но Советской Союз кустын кык толэзь ожмаськемлэн итог'ёсыз возматэ, что немец'ёслэн СССР-ез вакчи дыр кустын басытон планы куашказ. Толэзь талэсь азьвыл германской командованне ялыз вал ни, что Москва, Ленинград но Киев виль мынон сюрес'ёс усьтэмын. Озы ке но, асьме войскоосмы "чоктазы" со сюрес'ёсты отчы дас'ёсын германской дивизиосты быдтыса. Ожлэн нырысь нунал'ёс аз ик Германия ялыз вал, что советской авиация одйгтэм быдтэмын. Озы ке но, советской летчик'ёс тöлытйзы та выжыкылез. Советской самолет'ёс нуналы быдэ дас'ёсын немецкой самолет'ёсты уськыт'яло на, быдтыло на сюрес'ёсын германской солдат'ёсты. Советской авиация, кудйз "öвöл ни", систематически бомбит каре на Берлинэз но уно мукет германской город'ёсты. Ныллы арня талэсь азьвыл ик германской командование ялыз вал ни, что советской армиялэн кужымез öвöл ни, что боемыно Красной Армиялэн самой берпум кужым'ёсыз. Озы ке но, "кужымтэм" советской армия сыче золтышка на германской армияез, что Германиясь гинэ öвöл Польшаысь но, Чехословакияысь но, Румынияысь но, Венгрияысь но, Болгарияысь но госпитальёс но больницаос тырмемын сьорьмем немецкой солдат'ёсын, что немецкой солдат'ёслэн шöйёссы жугиськон бусыосын кизем кад кылэ.

Стратегической пункт'ёсты басытны быгатытэк, молниеносной войналэн планэзлэсь куашкамзэ адзыса, германской армия воштйз агитационной амалзэ. Фашист'ёс табере шуо ни, что Германия уг туртскы басытылыны город'ёсты. Германия туртске, пе, быдтыны Красной Армиялэсь улэл кужымзэ, солэсь материальной мощсэ. Озы ке но, Красной Армиялэн кужымез лябзэм гинэ öвöл нуналмыгь будэ. Тушмон басытйз куд-ог советской район'ёсты, нош со понна со туж бадзымесь ыштон'ёс басытйз. Берло 3 арня чоже гинэ германской ар-

миялэн таёе кужым'ёсыз быдтэмын:

а) 3-тй, 4, 7, 11, 12, 13, 14, 16, 18, 19, 20-тй танковой дивизиос;

б) 5-тй, 11, 24, 26, 28, 30, 32, 44, 50, 52, 62, 68, 71, 79, 86, 94, 95, 99, 101, 106, 110, 111, 121, 125, 137, 156, 157, 161, 206, 253, 262, 263, 290, 293, 297, 298, 299-тй пехотной дивизиос;

в) 2-тй, 8, 14, 17, 18, 20, 25, 27-тй мотодивизиос;

г) 3-тй, 11, 30-тй но мукет пехотной "СС" дивизиос, "Германия" но "Викинг" пехотной полк'ёс;

д) 23-тй, 24, 35, 119, 135, 253, 260, 268, 279, 307, 311, 312, 462, 480, 485, 486, 530-тй но пöртэм дивизиосысь уно мукет пехотной полк'ёс.

Германской дивизиос пöлысь уноез туж юн куашкамтэмен сэрэн нимаз воинской единица лубны уг быгато ни, соослэн номер'ёсы гинэ вань на. Пленэ шедем солдат'ёслэн верамзья, куд-ог дивизиосысь ротаосын 10-12 солдат сяна кылемын öвöл ни.

Ож кутскем дырысен 2 толэзь орчмыса германской армия ыштйз: вием'ёсын, раныть луэм'ёсын но пленэ шедем'ёсын—2 миллион солдатлэсь но уно, танк'ёсын—8 сюрс, орудиясы—10 сюрс но самолет'ёсын—7200-лэсь уно.

Аслэсьтыз туж бадзымесь ыштон'ёсез германской калыклэсь ватон понна, молниеносной война нуон планзэсь куашкамзэ калыкы возматонтэм понна германской командование ас калыкезлы советской ыштон'ёс сырысь таёе данноёс сётэ:

Кык толэзь ожмаськыса советской армиялэн 5 миллион солдатэз бырыз, пе, соос пöлысь одйг миллионэз пленэ, пе, басытэмын, германской армия быдтйз, пе, 14 сюрс советской танк'ёсты, 14 сюрс орудиясты но 11 сюрс советской самолет'ёсты.

Толмо ни, кинлэн чырты вылаз йырыз вань, со узоскы германской армиялэн та "данноёсызлы". Шонерзэ ке нош верано, асьме ыштон'ёсы таёе: Туж кужмо но дулдылысьтэм жугиськон'ёсын

Красной Армия ыштйз вием'ёсын 150 сюрс, раненоёсын—440 сюрс но ивортэк бырем'ёсын—110 сюрс боец'ёсез, ваньмыз—700 сюрс адыми.

Материальной ыштон'ёсы асьмелэн таёе: 5500 танк'ёс, 7500 орудияос, 4500 самолет'ёс.

Коварной но жестокой тушмонлы пумит героически нюр'яскыса, Красной Армия тöлытйз германской армияез вормонтэм сырысь выжыкылез но германской командованилэсь вань план'ёсез сьориз. Красной Армия азыланьын но дась тушмонэн жугиськыны сое одйгтэм быдтытозь.

Советской авиациялэн вань луонлык'ёсыз вал ожлэсь азыло но ожмынэку Берлинэз систематически бомбит карыны. Озы ке но, Красной Армиялэн Командованиез бомбардировать öз карысое, малы ке шуоно, асьмеос лыдыськомы вал, что Берлин—бадзым столичной город, отын уно ужась калык улэ, отын вань иностранной посольствоос но миссияос. Сыче городз бомбардировать карон дырты бырсал уно калык. Асьмеос лыдыськомы вал, что немец'ёс но бомбардировать уз каре асьме столицамес—Москваез. Нош кызы тодмо луиз, фашистской изверг'ёс уг учко нокиче закон'ёс шоры, нокиче война нуон правилоос шоры. Толэзь чоже, 22 июльысен 22 августозь, немецкой авиация Москва вилэ 24 пол налет лэстылйз. Налет'ёс дыр'я военной об'ект'ёс бырыны öзшеде. Бомбардировка улэ шедизы Москва котырысь но солэн центрысьтыз улон коркаос, больница но 2 поликлиникаос, 3 детской сад'ёс, Вахтанговлэн нымныз нимаз театр, СССР-ысь Наукаослэн Академиязылэн зданиосыз пöлысь одйгез, интысь промышленностьлэн көня ке векчи предприятиясыз но Москва котырысь көля ке колхоз'ёс. Улон коркаос бомбардировка улэ шедьса Москваын 736 мурт виемын, 1444 мурт секыт сьёсыртэмын но 2069 мурт капчи раныть каремын.

Тодмо ни, советской

командование немецкой самолет'ёслэсь Москва вилэ та зверской налет'ёсез наказанитэк кельтны öз быгаты. Москваысь калыкез бомбит каронлы пумит советской авиация систематически бомбардировать карыны кутскиз Берлинысь но Германилэн мукет город'ёсыстыз военной но промышленной объект'ёсты. Озы луоз азыланьын но. Москваысь трудящийёслэн жертваосы пунэмтэк уз кыле.

Советской Союзлы пумит войнаын германской армия кылылымтэ преступлениеос лэстытэ: курадзытэ но чик жалятэк жуге пленной, раненой красноармеец'ёсты но командир'ёсты; сюрс'ёсын мирной советской адымисты быдтэ, вилэ кышномурт'ёсты но ныллыосты; советской город'ёсты но гурт'ёсты пень карыса кельтэ; грабеж но мародерство орчмытэ, эриктэма нылкышноосты но нылмурт'ёсты. Гитлеровской ордаос—адыми вынйсьёс но грабительёс. Гитлеровской бандит'ёслы ваньмыз та дунгэк уз орчмы. Асьсэлэн кылылымтэ преступлениеосы понна соос ответить кароно луозы. Вир понна вир, кулон цонна кулон.

Озы, фашистской Германия но Советской Союз кустын кык толэзь чоже мынэм военной дейвиос возматйзы, что:

1) Красной Армияез 5—6 арня чоже быдтон сырысь гитлеровской план куашказ. Табере умой адске ни, что фашизмен кутскем ожкема кыстыськөз, нош германской армиялэн туж бадзым ыштон'ёсыз гитлеризмлэсь быронзэ матэктытозы;

2) асьмелэч город'ёсмес но област'ёсмес ыштонмы серьезной луэ, озы ке но азыланьын нюр'ясконын решающей уг луы;

3) со дыре, ку Германилэн адыми запасэз быре, ку солэн международной положениез нуналмысь урод луэ, Красной Армиялэн кужым'ёсыз весь будо, Советской Союзлы юртныны карыське виль могушественной союзник'ёс.

ОТЕЧЕСТВЕННОЙ
ВОЙНАЛЭН ГЕРОЕЗ

Германской фашизмлы пумит нюр'яскон фронтан Командованилэсь заданиос-сэ образцово былэ'ямез понна по отвагаз но гер-ройствоэ возматэмез понна СССР-лэн Верховной Советэзлэн Президиумез Советской Союзлэн Героез-лэсь нимзэ сэтгэ танковой соединилэт командирез-лы полковникы В. А. Мишулинлы. Соин чш ик СССР-лэн СНК-эзтэн постановлениеныз В. А. Мишулин эшлы сэтэмэн танковой войскоослэн генерал-лейтенантсылэн званиез.

Советской Союзлэн Героез
А. И. Заходский

Стрелковой полклэн пу-летчикез красноармеец Александр Иванович Заходский кык нунал чоже дугдытыса возиз тушмон-лэсь зйбыны турткон'ёссэ. Противниклэн Н. районэ-ти потыны турткон'ёсыз куашказы. Куиньметй ну-налаз, одйг батальон ёрос белофинн'ёс артиллерилэн но миномет'ёслэн юрттэм-зы улсын быдэс участо-кын ик наступление по-тйзы. Тушмон вань кужымзэ лэзиз боевой охра-нение вылэ.

Стройысь потйз охра-нилэн начальникез, коман-дованиез соку ик ас вылаз бастйз пулеметчик Заход-ский. Неравной жугись-кон'ёс кема кыстыськызы. Пулеметчик тушмонэз куашкаты станковой пуле-метэн. Но противниклэн лэзизы оргчысь кужым-ёсыз пограничной застава-сы боевой охранаез чиг-натйзы. Заходский огневой позиции кылиз чигнанэз умой ортчотон понна. Со-лэн пулеметэз усто ужа. Тушмонлэн трос кужым-ёсыз быро. Но со котыр-тыны кутскиз пограничной заставаез. Заходский оз куалекты. Жугиськыны кутскиз. 200-лэсь трос тушмон'ёс со вылэ дыкто. Кышкатэк ыбылыса со

тушмонлэсь 100-лэсь трос калыксэ быдтйз. Берпуме-тйзэ пулеметной лентаез ыбылыса быдтэм бераз, Заходский станковой пу-летметэ тыбыр вылаз по-нйз но котыртэмьсь потйз.

СССР-лэн Верховной Со-ветэзлэн Президиумезлэн Указаныз Александр Ива-нович Заходскийлы Совет-ской Союзлэн Героезлэн нимыз сэтэмэн.

Действующей Армия.



Ранить карем боецлы нырысь юрттэт сётон.

РАЙОНАМЫ
БУСЫЕ ПЕРЕСЬЁС НО ПОТО

„Виль улон“ колхозысь колхозник'ёс но колхоз-ницаос бадзым трудовой под'емен ужало бусыын. Машинаен арась Михаил Павлов 4 интые нуналлы быдэ 5-6 гектар ара. Му-кет'ёсыз но трудящийёс по-стахановски ужало. Туэ колхоз бусые потйзы уно ар'ёс чоже доразы улэм пересьёс но. Мария Кон-дратьева (со 60 арес ни) аресэз шоры учкытэк нор-

мазэ мултэсэн быдэс'я, 0,15 интые 0,16—0,17 гектар ара. Николай Демидов озыч ик 0,19 гектарозь вутты-лйз.

Фронтэ кошкем колхоз-ник'ёслэсь ужзэс воштон понна колхозэ кылем тру-дящийёс жуто уж-лэсь производительностьсэ, ваньбурез экономить каро. Мобилизованнойёс интые уже пото пересьёс, нылпи-ос.

Константинов,
Яковлев.

Стахановской уж—
тушмонлы шуккет

Котыкыче уж—боевой пост. Сое валаса колхозысь трудящийёс котыкыче ужын честно ужало. Кол-хозницаос Татьяна Павло-ва, Ульяна Северянова, Мария Павлова, Евдокия Артемьева, Прасковья Иванова, Анастасия Дани-лова но мукет'ёс ударно ужало бусыын. Соос ну-наллы быдэ 1,5 норма бы-дэсто, 400 интые 600 куль-то кертто. Машинаен кя-зись Александр Ефимов нуналтэм заданизэ 175 процентлы быдэс'я.

В. Зорин.

Америка Гитлерлы пумит

Германын разбойничьей гитлеровской шайка кивалтэ на, соин ик дунне вылысь одйг калыклэн но, одйг страналэн но шуэмез уг луы, что Гитлерлэсь кышканэз овдл. Америка Европалэсь океан'ёсын лю-киськемын, озы ке но гер-манской агента тура отчы но вуэ. США-ын (Америкалэн Соединенной Штат'ёсыз), Боливиын, Аргентинаын, Чилиын гитлеровской бан-дит'ёслэн алягес шараям подрывной ужзы возматэ-сое, что фашизм аслэсь-тыз захватнической план-ёссэ быдэстон понна номыр шоры уг учкы.

Соин тйи американской странаос, нырысь ик США, асьсэлэсь обороноспособ-ностьсэ юнматонлы туж бадзым саклык висьяло. Вооружение лэстыны, ар-миез юнматны уно мил-лиард'ем ассигнованиос США-лэсь боевой кужымзэ унолы жутизы ни.

Америкалэн Соединенной Штат'ёсыз дуннеысь крупнейшой индустриаль-ной держава. Экономика ласянь со унолы кужмо Германилэсь. США-ын, кылсарысь, арлы быдэ жыны миллиард тонна эгыр поттйське, завод'ёсын 93 миллион тонна сталь кыс-то. Германия нош ас „со-юзник'ёсыныз“ но бастэм странаосыныз валче потты-ны быгатэ 272 миллион

тонна ёрос эгыр но 36 мил-лион тонна ёрос сталь. Солэсь но урод Германи-ын нефть ласянь. Соеди-ненной Штат'ёс арлы 120—150 миллион тонна нефть потто. Германия нош арлы быдэ мырдэм гинэ 8 мил-лион тонна поттыны бы-гатэ. Нош эгыр, металл, нефть—современной арми-лэн вооружениезлэн основа-ез.

Кызы адекомы, амери-канской экономической ресурс'ёсты германской ресурс'ёсын но кызы 40-шатыны уг луы. Со сяна, гитлеровской Германилы пумит нюр'яскысь СССР-лэн но Англилэн гигаит-ской ресурс'ёсы вань на.

США-ын лэстытын но лэстысько сюосын перво-классной военной завод'ёс, куд'ёсыз самолет'ёс, танк-ёс, пушкаос, пулемет'ёс, снаряд'ёс но мукет военной тйрлык'ёс потто. США-ын али толзэлы быдэ, шорлы-дын вераса, 1500 самолет лэстыське. Та вакыт уж-рад'ёс кутйсько солы, что-бы матысь дырын арлы 70—80 сюрс самолет пот-тыны мед луоз.

Америкалэн Соединен-ной Штат'ёсыз бадзым юрттэт сето Англилы но мукет странаослы, куд-ёсыз жугисько фашистской Германиен.

Туж бадзым вожпотонэн пумитазы Америкаысь ка-

лык'ёс германской фа-шист'ёслэсь Советской Со-юз вылэ нападеннэсэс. Ра-бочий собраниослэн резо-люциосазы, котыкыче пёр-тэм общественной органи-зациослэн решениосазы американской калыклэн СССР-лы яратонэз возма-тэмын.

Гитлеровской захват-чик'ёслэсь утялсконын общей интерес'ёсты лыдэ бастыса, Америкалэн Со-единенной Штат'ёсыз но Советской Союз кусказы сотрудничествозэс унолы юнматйзы. США но СССР куспын торговой соглаше-ниез продлить карон но Советской Союзлы США ласянь экономической юрт-тон обеспечить карозы аме-риканской промышленнос-тен советской заказ'ёсты быдэстонэз.

Соединенной Штат'ёслэн правительствозы юрттыны кариськы Советской Со-юзлы гитлеровской Гер-маниез чальгес вормон понна.

Гитлер янгыше усиз: со али ожмаськово луэ кык но солэсь но уно фронт-ёсын. СССР-лэн но Англи-лэн единой фронтсы, СССР но США куспын сотрудничество, эрикез яратйсь вань калык'ёслэн единствозы пазьгоз фашиз-мез, быдтоз гитлеровской режимез.

Л. Волинский.

Дышетйсь колхоз ужын

И. С. Семенов эш—ак-тивной агитатор. Колхоз-ник'ёс но колхозницаос пöлын со жадытэк агита-ционно—массовой уж нуэ. Информбюролэсь ивортон-ёссэ, пёртэм газетной статьясты но заметкасты валэктылэ со калыкы. Солэн школамсытыз вань-мыз ик дышеткисьёс етйн

ишкон бордын ужало. Августа Яковлева, Юлия Алешкина, Егор Алешкин нуналлы быдэ 250—300 культо етйн ишко. Любовь Волкова 400—430 культо ишкылэ. Ваньмыз бусыын ужало 44 дышеткись пи-нал'ёс.

Писеевской сельсоветысь „Красный Октябрь“ колхоз.

0,65 гектар вылысь

Тыршыса ужало „1 Май“ колхозысь (Л. Шудзи сель-совет) колхозник'ёс но колхозницаос. Зег аранзы соослэн кемалась быремын. Али сезы, йыды но мукет культураосты октон-калтон мынэ. Зег аранын семен-ик, татын но трудящийёс самоотверженно ужало, унолы мултэс'яло норма-

оссэс. Елизавета Никола-ева, Татьяна Семенова, Ан-на Матвеева но мукет кол-хозницаос нормая 0,35 гек-тар интые нуналлы 0,65 гектар вылысь культо керттыло. Машинаен арась Н. Кузьмин машинаен араса нормазэ 140 процен-тозь быдэс'я.

Л. Пестриков.

Колхоз бусыосын

Л. Шудзинской сельсовете-тысь Горькийлэн нимыныз нимам колхозысь кыин аранын нормазэс Л. Григорьева, Д. Иванова, П. Николаева, Т. Лаврентьева, А. Лаврентьева 170 процентлы быдэс'яло. Та-ослэсь бере уг кылэ И. Перцева, А. Герасимова, Е. Перцева но мукет'ёсыз. Культо керттылсьёс Л. Григорьева, А. Перце-ва, М. Сергеева, П. Чир-ков, Д. Иванова, К. Пан-филова нормая 0,25 гектар интые 0,33 гектар кертты-ло, яке 132 процент.

Бусы ужын дышеткись дивал'ёс но бадзым юрт-тэт сето. Кылсарысь, Л. Перцев, Г. Демидов, Иванов дышеткисьёс бу-сы уж'ёсын нормаоссэс мултэсэн быдэс'яло, чукна вазь уже потыса, жыт берозь ужало.

Е. Николаев.

Отв. редактор
М. А. Шарипов.

УАССР, ст. Пычас, Из-дательствоослэн но Поли-графилэн Управленизылэн типографиез.

Тираж 1800 экз. НП 2671.